



UNIVERSITÄTS-  
BIBLIOTHEK  
PADERBORN

**Principia Juris Canonici : Ex Libro ... Decretalium Gregorii  
IX. Pontificis M / Antehac In Alma & Archi-Episcopali  
Benedictina Universitate Salisburgensi**

**König, Robert**

**Salisburgi, 1725**

**VD18 80460518**

41. De in integrum Restitutione.

---

[urn:nbn:de:hbz:466:1-61781](#)

procul dubio voluerunt favere innocentī lāso; magis verò per se loquendo favent, si non simpliciter irritent, sed ad instantiam jubeant rescindi: quia is expostfacto potest gaudere de contractu metu inito. Haunold. de J. & J. tom. 3. tr. 8. c. 2. controv. 2. n. 125.

Dixi autem: regulariter ipso jure valere per metum gesta: quædam enim, si metu gravi fiant, sunt ipso jure nulla; ut sunt I. matrimonium arg. c. 2. de eo, qui duxit &c. & valde probabiliter etiam sponsalia de futuro per c. ex literis de Deffons. impub. II. Professio Religiosa. c. 1. b. t. quod etiam ad votum simplex exteadit Glossa in c. 2. Eod. Azor. Inst. moral. tom. 3. l. 6. c. 7. III. Aliqui excipiunt promissionem dotis per l. 21. §. si dos. ff. Quod metūs causa, interpositionem auctoritatis tutoris per l. 1. §. 1. ff. de Author. Tutor. prorogationem jurisdictionis per l. 2. in pr. ff. de Judicis absolutionem ab excommunicatione, suspensione, vel interdicto per c. un. b. t. in 6. Electionem Prælatorum per c. 14. de Elet. & c. 3. §. caterium Eod. in 6. testamentum, Procuratoris constitutionem, pronuntiationem sententiae, alienationem rei Ecclesiastice, manumissionem &c. Vallens. b. t. n. 7. De quarum tamen exceptionum veritate, ac valore cum aliis non immerito dubitaveris.

Dico V. Ex metu gravi injusto datur metum passio exceptio, aut actio Prætoria; quæ vocatur, quod metūs causa. Nempe re adhuc integrā, & si nihil datum est, sed tantum promissum, contra petentem competit exceptio, l. t. ff. de Dolī mali, & metūs except. Re vero non integrā, & si metūs causā quid datum est, actio competit, quā metum passus, ejusq; heredes agere possunt, non tantum contra illos, qui metum intulerunt, sed contra quosunque rei metu extortæ possessores, intra annum a tempore metūs illati (casu quo Adversarius Judicis sententia non obtemperavit) in quadruplum, post annūm autem in simplum.

l. 14. §. 1. & 3. ff. Quod metūs causa, §. 27. & ibi. Interpp. Inst. de Actionib.

## TITULUS XLI.

### De in integrum restitu-

tione.

#### SUMMARIA.

1. 2. Quid sit restitutio in integrum. 3. Et à quo concedatur?
4. Usque 8. Datur regulariter omni minori. 8. Eccl. 9. Rep. 10. Et majoribus ex justa causa.
11. Quando alius pro alio petere possit restitutio?
12. Usque 21. In quibus causis, vel negotiis admittatur?
21. Coram quo Judge. 22. Et intra quod tempus peti debeat?
23. Restitutio non conceditur, nisi causa cognita.
24. Finitis restitutionis in integrum.
25. Pendente restituzione nihil innovandum.
26. Et obtent à redintegratur pristinum ius.

Post restitutionem adversùs gesta per metum modò expendamus restitutionem in integrum in genere.

#### §. I.

*Definitor Restitutio in integrum: quod sit remedium extraordinarium, Prætorium, quo lāsi in eum statum, in quo ante lāsionem fuerunt, justa & probabili de causa per officium Judicis reducuntur. Colligitur ex l. 1. & seq. ff. b. t.*

*Dicitur remedium extraordinarium: quippe ad quod non devenitur, nisi deficiente remedio ordinario. l. 16. ff. de Minoribus. Limita: nisi hoc remedium extraordinarium sit pinguis, quam ordinarium, arg. l. 3. §. 1. ff. Nauta, capones, stabularii &c.*

#### §. II.

*Causa efficiens Restitutionis in integrum est vel remota, vel proxima. Remota est editum Prætorium: ex hoc enim omnis restitutio in integrum descendit. l. 1. l. 3. & passim ff. b. t. Proxima est Judex restituens. Potest*

au-

autem jure novo, & nostris moribus quilibet ordinarius Magistratus restituere. *l. fin. C. ubi & apud quem.* Quoad delegatum distinguendum est: aut sermo est de delegato à Principe, & sine dubio potest restituere. *d. l. fin.* aut de delegato à Judice inferiore; & iste potest restituere solum incidenter, non verò principaliter, nisi specialiter causa restitutio-  
nis ei commissa sit, vel delegatus sit ad univer-  
sitatem caulfarum. *6. 9. & ibi DD. b. t.*

## §. III.

- 4.** *Subjectum Restitutionis* in integrum sunt illi, quibus ex iusta causa indulgetur. Quibus autem indulgeatur, indicat *l. 1. & 2. ff. b. t.* ibi: *Prætor hominibus vel lapsis, vel circumscriptis subvenit: sive metu, sive calliditate, si- ve ætate, sive absentia inciderint in captionem, sive per statu mutationem, aut justu errorem.*
- 5.** *I.* Igitur ob ætatis fragilitatem restitutio conceditur minori 25. annis, si vel Curatorem non habeat, vel interveniente ejusdem consensu læsus sit, in-aut extra judicium: ita quidem, ut toto quadriennio post exactum 25. annum, nempe usque ad annum 29. completem hoc remedium implorare possit. *t. t. ff. de Minorib. c. 8. b. t.*

- 6.** Reperias tamen casus, quibus minor læsus non restituitur. *Primus* est, si minor major factus ratum habuerit, quod cum eo in minoritate gestum est, quia talis actus à majori gestus esse censemur. *l. 3. §. 1. ff. de Minoribus l. 1. & 2. C.* *Si major factus ratum habeat.* *Secundus* est, si minor falso se majorem dixerit: quia jura deceptis succurrunt, non decipientibus. *l. 2. & 3. C.* *Si minor se majorem.* *Tertius*, si minor impetraverit veniam ætatis, quam masculis anno 20. fœminis verò anno 18. completo concedi solet. *l. 2. C. de his, qui veniam atatis.* *Quartus*, si minor actum juramento firmaverit, propter religionem juramenti. *l. 1. & auth. Sacra-menta C.* *Si ad- versus vendit.* *Quintus* est, si minor minorem

læserit. *l. 11. §. penult. ff. de Minorib.* Ratio fundatur in decantata regula, quod privilegiatus contra æquè privilegiatum non gaudet privilegio. Secùs est, si alteruter pinguis privilegium habeat, ut puta, si alteruter tantum læsus sit, & hic de lucro captando, alter verò de damno vitando certet. Et ita accipienda est. *l. 34. ff. Eod. Seximus* est, si minor huic beneficio juramento renuntiaverit circa dolum adversarii. *Carpz.* quem laudat & laquitur Eckolt. *ad ff. de Minorib. §. 7.* ubi plures alios causas exceptos refert, quos facili ex dicendis colliges.

Dubitatur: an Minor, Doctor Juris, læsus restituatur? Negant plures apud Gonzal. ad *c. 1. b. t. n. 1.* Affirmat Fachin. *3. controv. c. 5.* Ego distingo: an læsus sit errore facti, an juris? Si prius, erit restituendus: quia etia prudentissimos possunt fallere. *l. 2. ff. de juris & facti ignorantia.* Si posterius, restituendus non erit: quia allegans ignorantiam juris propriam allegaret turpitudinem. *l. 9. §. 3. ff. Eod. adeoq; ipsi credendū non foret.*

**II.** *Restitutio in integrum* ad exemplum minorum datur Ecclesiæ ex quacunque causa notabiliter læsis. *c. 1. & ibi DD. b. t. c. 1. Eod. in 6.* Ratio est: tum quia magnus & publicus est Ecclesiæ favor, tum quia etiam rebus Ecclesiæ administratores præficiuntur, sicut pupilli tutores, minoribus curatores. Licet verò Ecclesiæ nomine hoc loco veniant generaliter omnes Ecclesiæ, tam superiores, quam inferiores; item Monasteria, Hospitalia, alia que loca pia ob identitatem rationis. *arg. l. 35. C. de Episc. & Cler.* ipsæ tamen personæ Ecclesiasticae non comprehenduntur quoad propria bona, ac proinde, et si in illis lœdantur, non tamen eis competit restitutio. *Covarr. V. R. l. 1. c. 4. n. 3. Panorm.* *in d. c. l. n. 15. b. t.*

**III.** *Jure minorum quoque beneficium restitutio-  
nis tribui solet Republicæ. l. 4. C. quibus ex causis maiores. l. 3. C. de Jure Republicæ.* *Quod*

Quod non de Romana tantum, sed etiam de aliis Rebus publicis, & civitatibus maxime Imperialibus hodie procedit, ut probat Gonzal. ubi supra n. I I. contra Gloss. in d. I. 4. V. Republica per jura allegata, quae generaliter Reipub. restitutionem in integrum indulgent. Imo ad castra quoque, villas, & vicos (quae civitatibus equiparantur. l. 73. §. 1. ff. de Leg. I.) extenditur; dummodo tamen Jurisdictionem seu subditos habeant, sive per syndicos & administratores regantur. Gail. I. 4. Obs. 62.

IV. Datur restitutio subinde majoribus graviter laesis, modo præter laesionem etiam justam causam probent, ut est dolus, metus gravis, absentia justa, vel saltus involuntaria, & denique qualibet causa comprehensa sub generali clausula editi Prætorii: si qua alia minima causa esse viaebitur. l. 1. ff. ex quibus causis maiores. Ad quam clausulam recurrendum, quotiescumque æquitas restitutionem suggerit, eo quod singulariter omnes casus numeri non potuerint. l. 26. §. 9. ff. cod.

11. Ceterum hic breviter noto, quid restitutio petenda sit ab eo, qui laesus est. Procurator non audiatur, nisi mandatum speciale, aut cum libera (quod mandatum equiparatur speciali c. 4. de Procurat. in 6. ) habeat. c. 7. & ibi. Panorm. n. 4. b. t. Mandatum generale non sufficit. l. 25. §. 1. ff. de Minorib. id quod obtinet etiam si conjuncta persona sit, quae alias circa mandatum admittitur; excepto tamen parte per textum l. 27. pr. ff. de Minoribus. Item exceptis tutoribus, curatoribus, Prælatis & easteris administratoribus, qui pro illis, quorum bona administrant, etiam sine mandato speciali restitutionem petere possunt. Innocent. Panormit. aliquie ad c. 6. b. t.

## §. IV.

12. *Materia seu objectum Restitutionis in integrum est actus, seu negotium civile, aliquo modo validum, & reicindibile, in quo, & ex quo laesus restituatur.*

KÖNIG IN DECRET. LIB. L

Dicitur I. negotium civile: in criminalibus enim & delictis restitutio denegatur: quia malos mores infirmitas animi non excusat. I. I. C. Si adversus delicta. Hinc si minor dolo aliquid fecerit in re v. g. deposita, commodata, vel in quolibet alio contractu, tunc ei non subvenietur, sicut nec si factum commisserit, & in duplum, aut quadruplum condemnetur. l. 9. §. 2. l. 37. §. 1. ff. de Minoribus. Hoc tamen ad Ecclesiarum administratores minimè extendendum est: delictum namque personæ non debet in detrimentum Ecclesia sedunda re. c. 76. de R. f. in 6. Panorm. in c. 3. n. 15. b. t.

Quæstio connexa est, an minor restituatur contra suam confessionem; ut si de crimine adulterii accusatus illud fateatur? Sunt, qui affirmant. Sed rectius negat Fachin. l. 1. controversial. 72. per l. 37. ff. de Minorib. eò quod contraria dicenti non sit credendum. Limita: nisi in continenti ostendat, se ex mente, aut præcipitania juvenili falsum dixisse, tunc enim restituennus est. l. 6. §. 5. ff. de Confess. & l. 1. s. signis ultrò. 27. ff. de Quæst.

Dicitur II. Aliquo modo validum: nam si nullum est non potest per restitutionem rescindi. l. 2. & 4. C. in quibus causis in integrum rest. neceſ. non est. Unde si minor laeditur ex contractu inito sine authore curatore, aut ex alienatione rei immobilis sine decreto Judicis, ei per restitutionem non succurritur: quia dum habetur remedium ordinarium nullitatis, ista tanquam extraordinarium locum non habet per l. 16. ff. de Minoribus.

Dicitur III. Et rescindibile: etenim si rescindi nequeat, restitutio non admittit. Hinc primò non datur restitutio in causa manumissionis contra dataam libertatem, vel sententiam pro libertate latam, nisi forte ex magna causa à Principe concedatur. l. 9. ff. fin. fin. l. 10. ff. de Minoribus. t. t. C. Si adversus libertatem. Ratio est favor libertatis, cuius causa præ omnibus est valde favorabilis.

D d

Se-

17 Secundo denegatur restitutio in matrimonio, etiamsi erratum magnopere sit circa fortunam, & qualitates personæ: cùm semel validè contractum sit indissolubile. Covarruv. V.R. l.1. c.5. n.1. Diversum procedere existimem in sponsalibus, contractu dotali, aliisque quibusdam pactis, quæ ad matrimonii substantiam non spectant, utpote quæ ex rationabili causa dissolvi possint. Tertiæ non conceditur restitutio in matrimonio spirituali id est, in Professione religiosa: professio siquidem semel valida instar matrimonii carnalis est indissolubilis. Sanchez de Matrimonio l.7. disp. 37. n. 21. & 22. Dico: semel valida: quia si error intervenerit circa substantiam, aut ex metu gravi facta sit, irrita est professio. cap. 1. & ibi Barbos. de his qua vi, metusve causâ. Verum ut taliter professus audiatur, intra quinquennium à die professio- nis computandum has causas nullitatis coram Ordinario oportet proponere. Trid. sess. 25. 19 de Regul. c. 19. Quartæ cessat restitutio in statu Clericali, & SS. Ordinibus semel suscep- tio: tum quia character ordinis est indele- bilis: tum quia in susceptione ordinum læsio esse non intelligitur: tum etiam quia, si queratur restitutio, videretur dari contra DEUM quod à recta ratione alienum arg. c. fine causâ 22. q.3. & c. 14. de Convers. Conjug.

20 Dicitur IV. in quo, & ex quo læsus resti- tuitur: ut autem restituatur, non sufficit qualiscunque læsio minima. l. 4. & 9. ff. de Minoribus. sed debet esse notabilis, sive infra sive supra dimidium: quoniam de minimis, ist dici solet, non curat Prætor, à quo hoc beneficium provenit. Præterea non sufficit læsionem quocunque modo contigisse, sed necesse est, ut vel culpa aliqua adversarii saltem præsumpta, vel inconsulta facilitas læsi, vel ejusdem administratoris negligentia aut ignorantia intervenierint; nam si præcile casu aliquo fortuito damnum acciderit, v.g. res

empta incendio absumpta, aut furto ablati sit, tunc ipsa æquitate dictante restitutio non procedit; alioquin cum minore vel Ecclesia contrahens nunquam securus esse posset, quamcumque adhiberet diligentiam. l. vi. f. 4. ff. de Minoribus.

## §. IV.

*Forma restitutio- nis stat in modo eampe- tendi, & indulgendi.*

Ut ritè petatur, duo observanda sunt. l. vi. petatur à Judice competente illius, contra quem petitur: in hoc enim casu petens est actor, qui sequitur forum rei. l. 2. & fin. C. ubi & apud quem &c. Ideoque si Clericus contra Laicum circa res proprias, seu bona patrimonialia in integrum restitui velit, Ju- dicem Laicum adibit. Covar. d. l. 1. c. 4. n. 3. Ecclesia tamen, vel Clericus in bonis Ecclesiæ potest contra Laicum restitutio- nem in integrum petere etiam coram Judice Ecclesiastico. c. 1. b. t. c. penult. de rebus Eccles. non alienandis. quia Ecclesia agit ex proprio & speciali privilegio rebus Ecclesiæ concessio, & ita titulus petendi est Ecclesiasticus, ac exem- ptus. II. ut petatur tempore legitimo, quod olim ex edicto Prætoris erat annus utilis. l. 19. ff. de Minoribus. postea verò ob difficultem dierum utilium computationem à Justiniano in quadriennium continuum translatum est. l. fin. C. de Temporibus in integr. restitut.

Currit autem hoc quadriennium Minoribus die elapsæ minorenitatis, hoc est, à primo die anni 26. usque ad extremum diem anni 29. d. l. fin. aut si veniam etatis impetraverit, à die insinuationis. l. 5. C. Eod. Ecclesiæ, Civitati, & aliis Jure Minororum uten- tibus currit à die factæ & innocentis læsio- nis. per c. 1. & 2. b. t. in 6. Majoribus currit à tempore cessantis impedimenti, puta ab- sentiae vel captivitatis. l. 1. & l. fin. C. de Tem- porib. in integr. restitut. Excipitur restitutio ex causa metus & dolii; illa enim anno. l. 14. f. 1.

§.1. ff. Quod metus causā; hæc biennio contiūnuitur. l. fin. C. de Dolo.

23 Quantum ad formam indulgendi restitu-  
tionem attinet, ea aliter concedenda non est,  
nisi causā cognitā, & justitiā causæ ritè ex-  
aminatā. l.3. & n.1. ff. b.t. Et quidem si ma-  
jor restitutio petat, Judex principaliter co-  
gnoscet de læsione, & justa causa restitutio-  
nem petendi, quam utramque seu fundamen-  
tum intentionis restitutio petens probare  
debet. c.4. b.t. l.2. ff. de Probat. Si minor  
ex capite minorenitatis petat, duo itidem à  
Judice cognoscenda, & à minore probanda  
sunt, nempē minorenitas: hæc enim non  
præsumitur, nisi quid aliud aspectus demon-  
strat. l.4. C. de in integr. restitut. minorum. l.9.  
C. de Probat. deinde læsio, nec enim utique  
qui minor est, hoc ipso statim & circumscri-  
ptum se docuit. l.9. §.4. ff. de Furejur. cum  
tamen causa principalis restitutio sit læsio.  
Videatur Mynsing. Cent. 4. obs. 16. & 17.

§. VI.

24 Finis Restitutio in integrum est, ut hoc  
remedio extraordinario lapsis ætate, vel erro-  
re, aut aliâ justâ causâ, vel dolo deceptis subve-  
niatur. §. VII.

25 Effectus Restitutio in integrum alias  
est, si consideretur ut postulata; alias est, si ut  
imperata.

Effectus Restitutio postulata est, quòd  
eā pendente omnia in eodem statu manere  
debeant. Quare nec sententia poterit execu-  
tioni mandari, quād dia restitutio quæstio  
manet indiscussa. l. un. C. in integ. restit. postul.  
ne quid novi fiat. nisi præsumptio sit, malō ani-  
mō, & causā impediendi effectum sententiae  
restitutio peti: tunc namque sententia  
executioni mandabitur, receptâ tamen à vi-  
tore idoneâ cautione, se universa, quæ occa-  
sione sententiae perceperit, si adversarius in  
restitutio judicio prævaluuerit, restitutu-  
rum. Text. Gloss. & Panorm. in c. 6. h.s.

Effectus Restitutio impetratæ est, quòd  
quilibet jus solum salvum habeat, tam is, qui  
restitutio fieri postulatur: l. un. C. de Repet. qua  
fiunt in judicio in integrum restitutio. Hinc  
restitutione contra venditionem factâ sicut re-  
stitutus rem venditam recuperabit, sic vicis-  
sim emptori pretium restitui debet. l. 27.  
§. 1. ff. de Minoribus.

Difficultas supereft, an, & quinam fructus<sup>27</sup>  
imperatâ restitutio in integrum restitu-  
di veniant? quam diligenter versat P. Engel  
b.t. n. 18. Covarr. d.l. I. V.R. c.3. & Gibal.  
de Univers. rer. hum. negot. l.3. cap. 4. §. 6.  
quos, si lubet, consule.

## TITULUS XLII.

### De Alienatione Judicij mutandi causâ factâ.

#### SUMMARIA.

1. Ex hac alienatione datur actio in factum.
2. Qualis sit hac actio?
3. Unde descendat?
4. Qui s. contra quem s. & ad quid detur?
7. Quanam in hac actione probanda?
8. Finis s. & effectus hujus actionis.

P Er restitutio in integrum jure com-  
muni succurritur etiam ei, in cuius dam-  
num res, de qua lis timetur, causâ mutandi  
judicij alienatur: pollicetur enim Prætor ac-  
tionem in factum, nisi res in pristinum statum  
restituatur per l. I. ff. b.t.

§. I.

Definitur hæc actio in factum, quòd sit  
personalis, præatoria, arbitraria, rei persecuto-  
ria, quā is, qui rem futuri judicij mutandi  
causâ alienavit, convenit in omne id, quod  
interest, rem alienatam in duriorem adversa-  
rium non esse. Colligitur ex d.l. I. l.3. §.4.  
& l.4. §. 5. l.8. ff. Eodens.

§. II.

Causæ efficiens hujus actionis est vel remota  
vel proxima. Proxima est obligatio. Remota  
est vel principalis, vel instrumentalis. Prin-  
cipa-

Dd 2